



SEMINARIO INTERNASIONAL IHA GEOHAZARD STATUS IN TIMOR-LESTE NO ASINATURA AKORDU PARSERIA ENTRE IPG HO UNSYIAH

Instituto do Petróleo e Geologia (IPG) servisu hamutuk ho Tsunami And Disastre Mitigation Research Center (TDMRC), Universitas Syiah Kuala (Banda Aceh), no Universidade Nasional Timor Lorosa'e (UNTL) halao Seminario Internasional Konjunta ida ho nia Titlu "Geohazard Status In Timor-Leste: A Research Report on Microtremor, Seismology, And Tsunami".

Apresentador husi seminario ida ne'e mai husi nasaun rua (Indonesia ho Timor-Leste) iha area espesializada hanesan Enjineru, Seismolojista no Tsunami. Materia apresentasaun orador sira mai husi estudu sientifiku. Resultadu preliminar (dahuluk) estudu peskija sientifiku ida ne'e mak hanesan; 1). Estudu modelu scenario tektonika Rejiaun Timor bazeia dadus historiku epicentru rai nakdoko. 2). Bazeia resultado estudu microtremor area Kampu Alor hatudu katak iha variasaun nivel amplikasaun rai (soil amplification) no frequensia ondas sismu (variation of seismic wave frequency). Resultadu estudu hatudu katak konstrusaun Edifisiu Ministerio Finansas kategoriza ba rai ho nian vulnerabilidade moderadu. 3). Bazeia ba dadus modelu historiku tsunami Rejiaun Timor hatudu katak sidade Dili kategoriza ba tempu minimu ba mitigasaun tsunami maisumenus minutos 11 (sanulu resin ida) wainhira akontese Tsunami iha area Tanibar.

Alen de seminario, iha mos asinatura Akordo de Parseria entre Instituto do Petróleo e Geologia (IPG) ho Universidade Syiah Kuala (UNSYIAH) Banda Aceh, Indonesia. Asinatura akordo ida ne'e testemuñadu husi representante Embaixador Indonesia ba Timor-Leste, Diretor ajensia USAID, representante Ajensia International sira seluk, Diretor IPG no Reitor UNTL.

Objectivu prinsipal husi asina akordo de parseria ida ne'e halo atu halao servisu hamutuk iha area peskija no estudu hamutuk iha area Geohazard, espesializada iha area hanesan seimolojia, enjinaria no tsunami no mos iha area dezemvomentu rekursu humanu entre IPG ho UNSYIAH.



Imajen iha liman karuk representa aktividade seminario husi funsionario IPG no imajen iha liman los representa asina akordo de parseria entre IPG ho UNSYIAH.